

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u vezi sa članovima 37. stav (1) i 45. stav (1) Zakona o izvršavanju Budžeta Zeničko-dobojskog kantona za 2019. godinu („Službene novine Zeničko-dobojskog kantona“, broj: 3/19), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 4. sjednici, održanoj dana 07.05.2019. godine, d o n o s i

## **ZAKLJUČAK**

**o usvajanju Programa utroška sredstava Budžeta Zeničko-dobojskog kantona za poticaje u poljoprivredi za 2019. godinu, u razdjelu 23, budžetska organizacija 01, potrošačka jedinica 0001, Budžeta Zeničko-dobojskog kantona za 2019. godinu, ekonomski kod 614400, NAD 402, pozicija "Subvencije za podsticaj razvoja u poljoprivrednoj proizvodnji"**

### **I.**

Usvaja se Program utroška sredstava Budžeta za poticaje u poljoprivredi za 2019. godinu, u razdjelu 23, budžetska organizacija 01, potrošačka jedinica 0001, Budžeta Zeničko-dobojskog kantona za 2019. godinu („Službene novine Zeničko-dobojskog kantona“, broj: 3/19), ekonomski kod 614400, NAD 402, pozicija "Subvencije za podsticaj razvoja u poljoprivrednoj proizvodnji“, u iznosu od 3.000.000,00 KM (slovima: trimiliona konvertibilnih maraka) i čini sastavni dio ovog zaključka.

### **II.**

Sredstva planirana ovim Programom utroška sredstava, realizovat će se isključivo u skladu sa realizacijom ostvarenih javnih prihoda u Budžetu Kantona za 2019.godinu u predhodnom mjesecu i planovima novčanih tokova Budžeta Zeničko-dobojskog kantona za pojedini mjesec utvrđenim od strane Ministarstva finansija, osim u izuzetnim slučajevima odobrenim posebnim aktima Vlade Kantona.

### **III.**

Zadužuju se Ministarstvo za poljoprivredu, šumarstvo i vodoprivredu i Ministarstvo finansija, da u skladu sa zakonskim i podzakonskim aktima realizuju ovaj zaključak svako u okviru svojih nadležnosti.

### **IV.**

Zaključak stupa na snagu danom donošenja.

Broj: 02-\_\_\_\_\_/19

Datum, 07.05.2019. godine

Z e n i c a

**PREMIJER**

***Mirza Ganić***

DOSTAVLJENO:

1x Ministarstvu za poljoprivredu šumarstvo i vodoprivredu,

1x Ministarstvu finansija,

1x a/a

**PROGRAM**  
**utroška sredstava Budžeta Zeničko-dobojskog kantona**  
**za poticaje u poljoprivredi za 2019. godinu**

**Opći podaci o Programu**

1. Program je usvojen: Na 4. sjednici Vlade Zeničko-dobojskog kantona održanoj 07.05.2019. godine.
2. Period realizacije Programa: Isplata podrški za poljoprivredne proizvodnje koje su realizovane u periodu od 01. 01. do 31. 12. 2019. godine. U ovom periodu izvršit će se i isplata podrški za proizvodnje koje su započete u 2018. godini, a završene u 2019. godini.
3. Ukupna vrijednost Programa: 3.000.000,00 KM
4. Namjena Programa: Podrška primarnoj animalnoj i biljnoj proizvodnji, prerađivačima i otkupljivačima, te kapitalnim ulaganjima u poljoprivredi.
5. Korisnici Programa: Poljoprivredni proizvođači, zadruge, udruženja poljoprivrednika, otkupljivači i prerađivači prehrambenih proizvoda.
6. Izvor sredstava: Budžet Zeničko-dobojskog kantona za 2019. godinu - Budžet Ministarstva za poljoprivredu, šumarstvo i vodoprivredu - „Subvencije za podsticaj razvoja u poljoprivrednoj proizvodnji", razdjel 23, budžetska organizacija 01, potrošačka jedinica 0001, ekonomski kod 614400, NAD 402 i „Zakon o izvršavanju Budžeta Zeničko- dobojskog kantona za 2019. godinu“ ("Službene novine Zeničko-dobojskog kantona", broj:3/19 )
7. Nosilac Programa: Ministarstvo za poljoprivredu, šumarstvo i vodoprivredu Zeničko-dobojskog kantona
8. Odgovorna osoba: Ministar Mirnes Bašić

## I UVOD

Odredbama Zakona o poljoprivredi ("Službene novine Federacije BiH", broj: 88/07, 04/10, 27/12 i 7/13) i Strategijom razvoja Zeničko-dobojskog kantona za period 2016.-2020.godina, utvrđeni su pravci budućeg razvoja poljoprivrede na području Zeničko-dobojskog kantona. Razvoj poljoprivrede Zeničko-dobojskog kantona u značajnoj mjeri oslanja se na poticajna sredstva iz federalnog i kantonalnog budžeta, te što je nivo poticajnih sredstava bliži poticajima u okruženju, to je realnije očekivati razvoj poljoprivrede na našem području.

Po Programu za 2019. godinu ukupno opredijeljena sredstva za poticaje u poljoprivredi iznose 3.000.000,00 KM.

U izradi Programa za 2019. godinu korišteni su slijedeći parametri:

- Proizvodne resursne mogućnosti Zeničko-dobojskog kantona,
- Mjere Strategije razvoja Zeničko-dobojskog kantona za period 2016.-2020.godina,
- Kontinuitet poticajnih mjera,
- Mogućnosti plasmana poticanih proizvodnji,
- Sinhronizacija sa federalnim podrškama,
- Preporuke stručnih poljoprivrednih službi Ministarstva koje neposredno na terenu prate kretanja u poljoprivrednoj proizvodnji i prerađivačkim kapacitetima prehrambene industrije i
- Preporuke naučnih i stručnih institucija iz sektora.

U skladu sa raspoloživim sredstvima, mjere podrške u poljoprivredi iz Budžeta Zeničko-dobojskog kantona za 2019. godinu, usmjerene su prema slijedećim proizvodnjama i aktivnostima.

### A/ Podrška poljoprivrednoj proizvodnji

#### A/1 Animalna proizvodnja

- Podrška za uzgoj brojlera,
- Podrška za držanje koka nosilja,
- Podrška za registrovane farme goveda,
- Podrška za registrovanu ovčarsku ili kozju proizvodnju,
- Podrška za registrovanu svinjogojску proizvodnju.

#### A/2 Biljna proizvodnja

- Podrška za proizvodnju presadnica povrća,
- Podrška za poljoprivrednu proizvodnju u plastenicima i staklenicima,
- Podrška za proizvodnju maline, kupine (konvencionalna proizvodnja) i jagode proizvedene po principima organske proizvodnje,
- Podrška za proizvodnju krastavca-kornišona,
- Podrška za proizvodnju paprike za preradu u fenotipu feferona,
- Podrška za proizvodnju plantažne borovnice i aronije,
- Podrška za certificiranje organske poljoprivredne proizvodnje,
- Podrška za zasnivanje novih zasada jagodičastog voća,
- Podrška za zasnivanje novih zasada vinove loze,
- Podrška za zasnivanje zasada koštičavog, jabučastog i jezgrastog voća,
- Podrška za proizvodnju gljiva.

### B/ Podrška otkupljivačima/prerađivačima

- Podrška otkupljivačima/prerađivačima mlijeka sa područja Zeničko-dobojskog kantona,
- Podrška otkupljivačima/prerađivačima pilećeg mesa,
- Podrška otkupljivačima za otkup svježeg povrća i voća,
- Podrška otkupljivačima ljekovitog bilja,
- Podrška otkupljivačima jagodičastog voća,

Ministarstvo za poljoprivredu, šumarstvo i vodoprivredu

- Podrška otkupljivačima jagodičastog voća koji vrše zamrzavanje.

#### **C/ Podrška kapitalnim ulaganjima**

- Podrška za nabavku mehanizacije za poljoprivredu,
- Podrška za nabavku plastenika,
- Podrška za opremanje hladnjača za skladištenje i čuvanje jagodičastog voća i povrća.

#### **D/ Ostale vrste podrški**

- Podrška projektima iz oblasti pčelarstva,
- Finansiranje sajмова i izložbi,
- Nabavka repromaterijala i opreme iz oblasti poljoprivrede za Poljoprivrednu stručnu službu i Uzgojno selekcijsku službu,

#### **E/ Rezerva**

Rezerva - nepredviđeni zahtjevi.

## **II KRITERIJI ZA RASPODJELU SREDSTAVA**

Odobrena finansijska sredstva iz Budžeta Zeničko-dobojskog kantonaza 2019. godinu pod stavkom „Subvencije za podsticaj razvoja u poljoprivrednoj proizvodnji“ opredjelit će se fizičkim i pravnim licima (u daljem tekstu: korisnici), prema općim i posebnim kriterijima.

### **1. OPĆI KRITERIJ**

Pravo na ostvarivanje podrški stiču:

- korisnici koji su ostvarili primarnu poljoprivrednu proizvodnju ili koji poljoprivrednu djelatnost obavljaju na teritoriji Zeničko-dobojskog kantona, ako to ovim Programom ili Uputstvom nije drugačije propisano,
- korisnici koji imaju stalno mjesto prebivališta, odnosno za pravna lica sjedište na području Zeničko-dobojskog kantona,
- korisnici upisani u registar gazdinstava/klijenata kao nosioci,
- korisnici koji su izmirili svoja dugovanja prema Zeničko-dobojskom kantonu,
- korisnici koji pored općih kriterija ispunjavaju i posebno propisane kriterije predviđene ovim Programom i Uputstvom o ostvarivanju novčanih podrški za poljoprivrednu proizvodnju ili djelatnost u poljoprivredi u 2019. godini, (u daljem tekstu Uputstvo), koje donosi ministar Ministarstva za poljoprivredu, šumarstvo i vodoprivredu Zeničko-dobojskog kantona,

### **2. POSEBNI KRITERIJI**

#### **A/MODEL PODRŠKI PROIZVODNJI**

##### **A/1 Animalna proizvodnja**

1. **Podrška za uzgoj brojlera** – Podržava se proizvodnja brojlera do 0,10 KM/brojleru, proizvođačima koji su registrovali djelatnost za tu proizvodnju i koji u vlastitim ili zakupljenim objektima utove najmanje 5.000 brojlera u turnusu, te imaju zaključen ugovor o kooperaciji sa subjektom registrovanim za preradu ili otkup brojlera, ukoliko ispunjavaju i druge kriterije koji će biti propisani Uputstvom. Maksimalan iznos podrške po jednom subjektu je 20.000,00 KM. Konačan iznos podrške po jednom brojleru bit će utvrđen nakon sublimiranja ukupne količine brojlera koji će biti predmetom podrške.
2. **Podrška za držanje koka nosilja** – Podržava se držanje koka nosilica za farme koje posluju u okviru registrovane djelatnosti sa useljenim 18-nedjeljnim pilenkama lake linije u visini 1,00 KM/pilenki. Maksimalan iznos podrške po jednom subjektu je 20.000,00 KM. Proizvodnja može biti u vlastitom ili zakupljenom objektu na području Zeničko-dobojskog

Ministarstvo za poljoprivredu, šumarstvo i vodoprivredu

kantona. Minimalan broj koka nosilca koji se podržava je 1.500 ukoliko su ispunjeni i drugi kriteriji koji će biti propisani Uputstvom.

3. **Podrška za registrovane farme goveda** – Podržavaju se farme muznih grla koje posluju u okviru registrovane djelatnosti i imaju minimalno 7 muznih grla u kategoriji krave u laktaciji, u vrijeme podnošenja zahtjeva. Iznos podrške je do 400,00 KM/grlu. Maksimalan iznos podrške po jednom subjektu je 12.000,00 KM. Farme sa minimalno 15 krava koje su registrovane po Zakonu o obrtu, a koje ne plasiraju mlijeko i prerađevine od mlijeka u otkup/tržište, podržavaju se u visini do 100 KM/krava. Farme moraju biti na teritoriji Zeničko-dobojskog kantona, te ispunjavati i druge kriterije koji će biti propisani Uputstvom.
4. **Podrška za registrovanu ovčarsku i kozju proizvodnju** – Podržavaju se registrovane ovčarske ili kozje proizvodnje za one proizvođače koji imaju registrovanu djelatnost i minimalno 100 grla ovaca, odnosno 25 grla koza, prema izvodu iz Evidencije Agromediterranskog zavoda u Mostaru, zaključno sa 31.12.2018. godine. Iznos podrške je 2.000,00 KM po registrovanom obrtu.
5. **Podrška za registrovanu svinjogojsku proizvodnju** – Podržava se svinjogojska proizvodnja za one proizvođače koji imaju registrovanu djelatnost i minimalno 20 tovljenika u jednom turnusu ili 10 rasplodnih krmača u uzgoju. Iznos podrške je 2.000,00 KM po registrovanom obrtu.

#### **A/2 Biljna proizvodnja**

6. **Podrška za proizvodnju presadnica povrća** – Podržava se registrovana proizvodnja presadnica povrća u iznosu od 0,04 KM po proizvedenoj presadnici povrća do 500.000 presadnica, te da ispunjavaju i druge kriterije koji će biti propisani Uputstvom.
7. **Podrška za poljoprivrednu proizvodnju u plastenicima i staklenicima** – Podržavaju se poljoprivredni proizvođači (fizička lica) koji imaju registrovanu poljoprivrednu djelatnost (kao osnovnu djelatnost-registrovanu po Zakonu o obrtu), u iznosu od 5,00 KM/m<sup>2</sup>, a proizvodnju organizuju u plastenicima i/ili staklenicima ukupne površine 500 m<sup>2</sup> i više. Maksimalan iznos podrške po jednom subjektu je 5.000,00 KM, ukoliko su ispunjeni i drugi kriteriji koji će biti propisani Uputstvom.
8. **Podrška za proizvodnju maline, kupine (konvencionalna proizvodnja) i jagode proizvedene po principima organske proizvodnje** – Podržava se proizvodnja maline, kupine i jagode proizvedene po principima organske proizvodnje sa iznosom do 0,25 KM/kg u zavisnosti od broja prispjelih aplikacija, kod proizvođača koji predaju otkupljivaču/prerađivaču minimalno 700 kg maline, kupine (konvencionalna proizvodnja) i jagode proizvedene po principima organske proizvodnje ukoliko su ispunjeni i drugi kriteriji koji će biti propisani Uputstvom. Konačan iznos podrške po jednom kg bit će određen nakon sumiranja prijavljene količine maline i kupine koji će biti predmetom podrške.
9. **Podrška za proizvodnju krastavca-kornišona** – Podržava se proizvodnja krastavca-kornišona sa 0,10 KM/kg, kod proizvođača koji proizvedu krastavac kornišon na parceli površine minimalno 1 dunum i kojeg predaju otkupljivaču/prerađivaču ukoliko su ispunjeni i drugi kriteriji koji će biti propisani Uputstvom.
10. **Podrška za proizvodnju paprike za preradu u fenotipu feferona** – Podržava se proizvodnja paprike za preradu u fenotipu feferona sa 0,10 KM/kg, kod proizvođača koji proizvedu papriku (feferon) na parceli površine minimalno 1 dunum i kojeg predaju otkupljivaču/prerađivaču ukoliko su ispunjeni i drugi kriteriji koji će biti propisani Uputstvom.
11. **Podrška za proizvodnju plantažne borovnice i aronije** – Podržava se proizvodnja Američke borovnice - plantažni uzgoj i aronije sa 0,30 KM/kg kod proizvođača koji predaju

Ministarstvo za poljoprivredu, šumarstvo i vodoprivredu

otkupljivaču/prerađivaču proizvedenu borovnicu i aroniju, ukoliko su ispunjeni i drugi kriteriji koji će biti propisani Uputstvom.

12. **Podrška za certifikaciju organske poljoprivredne proizvodnje** – Podržava se certifikacija organske poljoprivredne proizvodnje kod proizvođača koji imaju certifikat za organsku poljoprivrednu proizvodnju. Iznos podrške je 1.000,00 KM na ime podnosioca zahtjeva. Pravo na premiju mogu ostvariti samo proizvođači koji imaju certifikat za organsku poljoprivrednu proizvodnju, ukoliko su ispunjeni i drugi kriteriji koji će biti propisani Uputstvom.
13. **Podrška za zasnivanje novih zasada jagodičastog voća** (malina, kupina, ribizla, borovnica, brusnica, aronija i ogrozd) – Podržava se zasnivanje novih zasada jagodičastog voća na površini od 1dunuma i više, sa iznosom do 300,00 KM/dunumu, u zavisnosti od broja prispjelih aplikanata, ukoliko su ispunjeni i drugi kriteriji koji će biti propisani Uputstvom.
14. **Podrška za zasnivanje novih zasada vinove loze** - Podržava se zasnivanje novih zasada vinove loze na površini od minimalno 1 dunum i više, sa iznosom do 300,00 KM/dunumu, u zavisnosti od broja prispjelih zahtjeva, ukoliko su ispunjeni i drugi kriteriji koji će biti propisani Uputstvom.
15. **Podrška za zasnivanje zasada koštičavog, jabučastog i jezgrastog voća** - Podržava se zasnivanje novih intenzivnih zasada voća (jabuka, kruška, šljiva, trešnja, višnja, dunja, kajsija, breskva, okalemljeni orah i lijeska), na površinama od 2 – 10 dunuma. Iznos podrške je 500 KM/dunumu.
16. **Podrška za proizvodnju gljiva** – Podržava se proizvodnja gljiva (šampinjona i bukovače) sa 10,00 KM/toni kupljenog komposta, za poljoprivredne proizvođače pravna lica i obrtnike koji imaju registrovanu poljoprivrednu djelatnost kao osnovnu djelatnost registrovanu po Zakonu o obrtu, te da ispunjavaju i druge kriterije koji će biti propisani Uputstvom.

## **B/ MODEL PODRŠKI OTKUPLJIVAČIMA/PRERAĐIVAČIMA**

17. **Podrška otkupljivačima/prerađivačima mlijeka sa područja Zeničko-dobojskog kantona** – Podržavaju se otkupljivači/prerađivači mlijeka za otkup svježeg mlijeka sa područja Kantona sa 0,02 KM/l, za onu količinu mlijeka temeljem koje su prema kriterijima Federalnog ministarstva poljoprivrede, vodoprivrede i šumarstva njihovi kooperanti ostvarili novčanu podršku za period od prvog do trećeg kvartala tekuće godine, ukoliko su ispunjeni i drugi kriteriji koji će biti propisani Uputstvom.
18. **Podrška otkupljivačima/prerađivačima pilećeg mesa** – Podržavaju se registrovani otkupljivači/prerađivači brojlerskog mesa sa 0,10 KM/kg, za otkupljenu količinu od kooperanata sa kojima imaju sklopljene ugovore o proizvodnji brojlera. Maksimalan iznos po jednom subjektu je 30.000 KM, ukoliko su ispunjeni i drugi kriteriji koji će biti propisani Uputstvom.
19. **Podrška otkupljivačima za otkup svježeg povrća i voća** – Podržavaju se registrovani otkupljivači svježeg povrća i registrovani otkupljivači svježeg voća (**izuzev jagodičastog voća**) sa 0,04 KM/kg koji od proizvođača sa područja Zeničko-dobojskog kantona sa kojima imaju sklopljene ugovore o proizvodnji, otkupe voće i povrće. Maksimalan iznos podrške po jednom subjektu iznosi 10.000,00 KM, ukoliko su ispunjeni i drugi kriteriji koji će biti propisani Uputstvom.
20. **Podrška otkupljivačima ljekovitog bilja** – Podržavaju se registrovani otkupljivači ljekovitog bilja sa 0,20 KM/kg koji od proizvođača sa područja Zeničko-dobojskog kantona sa kojima imaju sklopljene ugovore o otkupu, otkupe ljekovito bilje. Maksimalan iznos podrške po jednom subjektu iznosi 10.000,00 KM, ukoliko su ispunjeni i drugi kriteriji koji će biti propisani Uputstvom.

Ministarstvo za poljoprivredu, šumarstvo i vodoprivredu

21. **Podrška otkupljivačima jagodičastog voća** – Podržavaju se registrovani otkupljivači voća do 0,05 KM/kg jagodičastog voća koji od proizvođača sa područja Zeničko-dobojskog kantona imaju sklopljene ugovore o otkupu jagodičastog voća, ukoliko su ispunjeni i drugi kriteriji koji će biti propisani Uputstvom.
22. **Podrška otkupljivačima jagodičastog voća koji vrše zamrzavanje** – Podržavaju se registrovani otkupljivači voća do 0,10 KM/kg jagodičastog voća koji od proizvođača sa područja Zeničko-dobojskog kantona sa kojima imaju sklopljene ugovore o otkupu, otkupe i zamrznu jagodičasto voće. Otkupljivač koji podnosi zahtjev mora imati komore za zamrzavanje i ispunjavati druge kriterije koji će biti propisani Uputstvom.

#### **C/ MODEL KAPITALNIH ULAGANJA**

23. **Podrška za nabavku mehanizacije za poljoprivredu** – Podržava se nabavka nove mehanizacije za poljoprivredu (traktori, motokultivatori, samohodne kosilice izuzev parkovske, traktorska nošena kosilica, sijačica za ratarske kulture, motokopačice, atomizer ili prskalice traktorska nošena i silokombajn) u iznosu do 25% vrijednosti mehanizacije samo za poljoprivredne proizvođače obrtnike koji imaju registrovanu poljoprivrednu djelatnost kao osnovnu djelatnost registrovanu po Zakonu o obrtu. Poljoprivredni proizvođač pravo na podršku dokazuje računima o kupovini koji su naslovljeni na obrt, te da su ispunjeni i drugi kriteriji koji će biti propisani Uputstvom.
24. **Podrška za nabavku plastenika** - Podržava se nabavka novih plastenika sa 10,00 KM/m<sup>2</sup> minimalne površine 100 m<sup>2</sup> za poljoprivredne proizvođače (fizička lica) koji imaju registrovanu poljoprivrednu djelatnost kao osnovnu djelatnost registrovanu po Zakonu o obrtu, te da su ispunjeni i drugi kriteriji koji će biti propisani Uputstvom.
25. **Podrška za opremanje hladnjača za skladištenje i čuvanje jagodičastog voća i povrća** – Podržava se nabavka opreme za hladnjače jagodičastog voća i povrća koje su instalirane na području Zeničko-dobojskog kantona za pravna lica i poljoprivredne proizvođače (fizička lica) koji imaju registrovanu poljoprivrednu djelatnost kao osnovnu djelatnost registrovanu po Zakonu o obrtu, čije je sjedište na području Zeničko-dobojskog kantona te da ispunjavaju i druge kriterije koji će biti propisani Uputstvom.

#### **D/ MODEL OSTALIH VRSTA PODRŠKI**

26. **Podrška projektima iz oblasti pčelarstva** - Podržavaju se udruženja pčelara Zeničko-dobojskog kantona i Savez pčelara Zeničko-dobojskog kantona u iznosu do 3.000,00 KM. Pravo na podršku imaju udruženja koja su registrovana prije 31.12.2018. godine, te da su ispunjeni i drugi kriteriji koji će biti propisani Uputstvom.
27. **Finansiranje sajmovi i izložbi u 2019.godini** – Podržava se organizacija i održavanje izložbenih sajmovskih manifestacije i izlaganje životinja i poljoprivrednih proizvoda.
28. **Nabavka repromaterijala i opreme iz oblasti poljoprivrede za Poljoprivrednu stručnu službu i Uzgojno selekcijsku službu** – planira se nabavka repromaterijala i opreme (lovne klopke, alat za rad i demonstracije metoda rada stručnih službi, štampanje materijala - brošura za navedene službe sa ciljem edukacije, demonstracije pojedinih uzgojnih, agro i pomotehničkih mjera i nabavka opreme za izvođenje istih).

#### **E/ REZERVA**

Sredstva rezerve koristiće se za hitne i nepredviđene zahtjeve koji se pojave tokom Budžetske 2019. godine i za nerealizovane zahtjeve za novčane podrške iz prethodne budžetske godine, kao rezultat administrativnih poteškoća ili drugih opravdanih razloga o čijem utrošku će odluku donositi Ministar.

**III VISINA I RASPODJELA SREDSTAVA**

Sredstva odobrena Budžetom Zeničko-dobojskog kantona za 2019. godinu iznose 3.000.000,00 KM i raspodijeliće se u skladu sa ovim Programom na slijedeće oblasti:

Tabela 1. Raspodjela sredstava po oblastima i vrstama poljoprivredne proizvodnje

|                                     | Vrsta proizvodnje                                                                                                          | Iznos poticaja izražen po jedinici mjere        | Procjena iznosa potrebnih sredstava u KM |
|-------------------------------------|----------------------------------------------------------------------------------------------------------------------------|-------------------------------------------------|------------------------------------------|
| <b>A/</b>                           | <b>MODEL PODRSKE PROIZVODNJE</b>                                                                                           |                                                 |                                          |
| <b>A/1</b>                          | <b>ANIMALNA PROIZVODNJA</b>                                                                                                |                                                 |                                          |
| 1.                                  | Podrška za uzgoj brojlera                                                                                                  | do 0,10 KM/brojleru                             | 380.000,00                               |
| 2.                                  | Podrška za koke nosilice                                                                                                   | 1,00 KM/nosilici                                | 80.000,00                                |
| 3.                                  | Podrška za registrovane farme goveda                                                                                       | do 400,00 KM/muznom grlu<br>do 100,00 KM/govedu | 610.000,00                               |
| 4.                                  | Podrška za registrovanu ovčiju i kozju proizvodnju                                                                         | 2.000,00 KM/djelatnost                          | 40.000,00                                |
| 5.                                  | Podrška za registrovanu svinjogojsku proizvodnju                                                                           | 2.000,00 KM/djelatnost                          | 8.000,00                                 |
| <b>UKUPNO ANIMALNA PROIZVODNJA:</b> |                                                                                                                            |                                                 | <b>1.118.000,00</b>                      |
| <b>A/2</b>                          | <b>BILJNA PROIZVODNJA</b>                                                                                                  |                                                 |                                          |
| 6.                                  | Podrška za proizvodnju presadnica povrća                                                                                   | 0,04 KM/presadnici                              | 20.000,00                                |
| 7.                                  | Podrška za poljoprivrednu proizvodnju u plastenicima i staklenicima                                                        | 5,00 KM/m <sup>2</sup>                          | 400.000,00                               |
| 8.                                  | Podrška za proizvodnju maline, kupine (konvencionalna proizvodnja) i jagode proizvedene po principima organske proizvodnje | do 0,25 KM/kg                                   | 700.000,00                               |
| 9.                                  | Podrška za proizvodnju krastavca-kornišona                                                                                 | 0,10 KM/kg                                      | 20.000,00                                |
| 10.                                 | Podrška za proizvodnju paprike za preradu u tipu feferona                                                                  | 0,10 KM/kg                                      | 20.000,00                                |
| 11.                                 | Podrška za proizvodnju plantažne borovnice i aronije                                                                       | 0,30 KM/kg                                      | 4.000,00                                 |
| 12.                                 | Podrška za organsku poljoprivrednu proizvodnju                                                                             | 1.000,00 KM/aplikantu                           | 5.000,00                                 |
| 13.                                 | Podrška za nove zasade jagodičastog voća (od 0,1ha i više)                                                                 | do 300,00 KM/0,1 ha                             | 10.000,00                                |
| 14.                                 | Podrška za nove zasade vinove loze                                                                                         | do 300,00 KM/0,1 ha                             | 15.000,00                                |
| 15.                                 | Podrška za nove zasade koštičavog, jabučastog i jezgrastog voća (od 0,2ha -1,0 ha)                                         | 500,00 KM/0,1ha                                 | 15.000,00                                |
| 16.                                 | Podrška za proizvodnju gljiva                                                                                              | 10 KM/toni                                      | 40.000,00                                |
| <b>UKUPNA BILJNA PROIZVODNJA:</b>   |                                                                                                                            |                                                 | <b>1.249.000,00</b>                      |

| <b>B/</b>                                 | <b>MODEL PODRŠKE PRERAĐIVAČIMA I OTKUPLJIVAČIMA</b>                                 |                                 |                     |
|-------------------------------------------|-------------------------------------------------------------------------------------|---------------------------------|---------------------|
| 17.                                       | Podrška otkupljivačima/prerađivačima mlijeka                                        | 0,02 KM/litru                   | 220.000,00          |
| 18.                                       | Podrška prerađivačima pilećeg mesa                                                  | 0,10 KM/kg                      | 60.000,00           |
| 19.                                       | Podrška otkupljivačima svježeg voća i povrća (izuzev jagodičastog voća)             | 0,04 KM/kg                      | 20.000,00           |
| 20.                                       | Podrška otkupljivačima ljekovitog bilja                                             | 0,20 KM                         | 10.000,00           |
| 21.                                       | Podrška otkupljivačima jagodičastog voća                                            | do 0,05 KM/kg                   | 65.000,00           |
| 22.                                       | Podrška za otkup jagodičastog voća otkupljivačima koji vrše zamrzavanje             | do 0,10 KM/kg                   | 75.000,00           |
| <b>UKUPNO PRERAĐIVAČI I OTKUPLJIVAČI:</b> |                                                                                     |                                 | <b>450.000,00</b>   |
| <b>C/</b>                                 | <b>MODEL KAPITALNIH ULAGANJA</b>                                                    |                                 |                     |
| 23.                                       | Podrška za kupovinu poljoprivredne mehanizacije                                     | do 25% vrijednosti mehanizacije | 25.000,00           |
| 24.                                       | Podrška za nabavku plastenika (minimalne površine 100 m <sup>2</sup> )              | 10,00 KM/ m <sup>2</sup>        | 20.000,00           |
| 25.                                       | Podrška za opremanje hladnjača za skladištenje i čuvanje jagodičastog voća i povrća | -                               | 50.000,00           |
| <b>UKUPNO KAPITALNA ULAGANJA:</b>         |                                                                                     |                                 | <b>95.000,00</b>    |
| <b>D/</b>                                 | <b>MODEL OSTALIH VRSTA PODRŠKI</b>                                                  |                                 |                     |
| 26.                                       | Podrška projektima iz oblasti pčelarstva                                            |                                 | 35.000,00           |
| 27.                                       | Finansiranje sajmovi i izložbi                                                      |                                 | 35.000,00           |
| 28.                                       | Nabavke repromaterijala i opreme                                                    |                                 | 6.000,00            |
|                                           |                                                                                     |                                 |                     |
| <b>UKUPNO OSTALIH VRSTA PODRŠKI:</b>      |                                                                                     |                                 | <b>76.000,00</b>    |
| <b>E/</b>                                 | <b>REZERVA –</b>                                                                    |                                 |                     |
| <b>UKUPNO (A+B+C+D+E)</b>                 |                                                                                     |                                 | <b>3.000.000,00</b> |

**Napomena:** Kolone u tabelama koje definišu procjenu potrebnih sredstava u KM su projekcija mogućeg utroška sredstava, tako da će ovisno o broju zahtjeva biti prelijevanja sredstava iz jednog poticaja u drugi. (Ovisno o broju zahtjeva, očekuje se prelijevanje sredstava).

#### IV NAČIN OSTVARIVANJA PODRŠKI

Podrške ostvaruju korisnici koji ispunjavaju opće i posebne uslove propisane ovim Programom i Uputstvom, kojim će se utvrditi postupak, potrebna dokumentacija, obrasci i drugi relevantni podaci.

Korisnici koji apliciraju na pojedine podrške podnose propisanu dokumentaciju za ostvarivanje podrškinadležnom općinskom organu, a općinski organ kompletiranu dokumentaciju prosljeđuje na protokol Kantona, ukoliko nije drugačije propisano Uputstvom.

Izuzetno, ako je to u interesu korisnika, zahtjev za ostvarivanje podrške u poljoprivredi može se dostaviti poštom ili direktnom predajom na protokol Kantona.

Daljnji postupak se provodi u skladu sa Procedurom za ostvarivanje prava na kantonalne novčane podrške u primarnoj poljoprivrednoj proizvodnji ZE-DO-PR-024, utvrđenom u standardima EN ISO 9000:2015 i EN ISO 9001:2015.

#### V SVRHA PROGRAMA

Svrha ovog Programa je da se nastave započeti i otvore novi procesi u poljoprivrednom sektoru, s ciljem da se ostvari;

- povećanje obima poljoprivredne proizvodnje,
- zadovoljavanje potreba domaćeg tržišta vlastitim proizvodima,
- snabdijevanje prehrambene industrije sirovinama,
- stabilizacija tržišta poljoprivredno-prehrambenih proizvoda,

Ministarstvo za poljoprivredu, šumarstvo i vodoprivredu

- e. razvoj prehrambene industrije,
- f. unapređenje rada zadruga i udruženja poljoprivrednih proizvođača,
- g. smanjivanje ovisnosti od uvoza i stvaranje pretpostavki za izvoz,
- h. stvaranje tržišno orijentisanih proizvođača,
  
- i. povećanje sjetvenih površina i privođenje kulturi neobrađenog obradivog poljoprivrednog zemljišta,
- j. ravnomjerniji razvoj poljoprivredne proizvodnje na području Zeničko-dobojskog kantona,
- k. veće zapošljavanje i smanjenje stope nezaposlenosti.

## **VI IZVORI SREDSTAVA**

Izvor sredstava za realizaciju Programa je Budžet Zeničko-dobojskog kantona za 2019. godinu ("Službene novine Zeničko-dobojskog kantona", broj: 3/19), u kojem je na stavci "Subvencije za podsticaj razvoja u poljoprivrednoj proizvodnji" u razdjelu 23. budžetska organizacija 01, potrošačka jedinica 0001, ekonomski kod 614400, NAD 402 planiran iznos od 3.000.000,00 KM.

Planirani iznos realizovaće se u skladu sa prilivom sredstava u Budžetu, a na bazi mjesečnih operativnih planova.

## **VII KORISNICI SREDSTAVA**

Korisnici sredstava su fizička i pravna lica koja ispune propisane opće i posebne kriterije iz ovog Programa i Uputstva (poljoprivredni proizvođači, zadruge, udruženja poljoprivrednih proizvođača, otkupljivači, prerađivači poljoprivrednih proizvoda i dr.)

Broj: 02-\_\_\_\_\_/19  
Datum, 07.05.2019. godine  
Z e n i c a

**PREMIJER**

***Mirza Ganić***